

薦而未售科舉廢後歷任翰香及鄧山高等學校教務主任崇實去華
士習以端有胡安定遺風庚戌宗祠續修宗譜府君躬任其役與族人
協力纂修搜輯舊聞增補世傳厥功尤偉先是父歿後家中落第又不
慧府君以一身肩厥鉅任心力交瘁性耿介束修外不忘取一錢人尤
賢之卒年四十一子一賢詩以醫名新

十八世偉榮府君傳

府君諱賢汝字偉榮鳳山公伯子性贛直人有過輒面責無少隱居平
嗜飲不汲汲於營利以是境益窘然府君亦不改厥常嘗語人曰人生
行樂耳何憂貧爲其通脫若此卒年六十一

十八世竹齋府君傳

府君諱賢琳以字行幼具大志年十三佐父鳳山公所設回春藥肆府

府君諱賢

君志在四方居此恒鬱鬱時余公秉之具知人鑑一見傾心謂此子度不凡非久困風塵者遂妻以女孫未幾服務泉肆英敏有爲郡之人王磬泉葉澄衷慕其才延致滬上襄理洋務倚畀獨至其後譽望日起遂爲鉅商嚴筱舫徐雨之所聘遠至長阜開採金礦悉心籌畫出金漸旺尋以邊陲嚴寒致疾歸歸不數年卒蓋猶未竟所施云享年五十有二生平行誼備詳其季子震祐所選行述故不贅

十八世季桐府君傳

府君諱賢榮字季桐隆芝公四子幼習岐黃時天花盛行惟天台趙蘭亭先生精牛痘術府君師事之盡得秘傳邊太尊葆誠以重幣延主痘局歲佈種以數千計天花之患以弭嘗謂吾活人多後世當有興者蓋吾鄞之精牛痘術者自府君始也著有福幼居牛痘類編以行世

新
增